

同岑集

四



同岑初集卷十

桃城潘居貞天行輯

茗上徐行周道參

張道岸

懸渡

蓮莊紀興

展幕依蓮渚几榻迎新風遠臯靜不喧月浸寒潭中長
嘯響四落深林肅秋容扃戶避霜色默坐澹無窮理衾
作臥游隔浦起晨鐘旣旦不復寐憑視軒前峰

招沈器車唐灝儒阮伯崖沈上襄諸公與龍湖逸

社

誰說巖棲苦微性甘如飴一住十三載洋洋自樂飢龍

湖饒素心旬日與棲遲逸老堂仍在不登令人嗤登後
復何爲痛飲賦新詩山水羅我前魚鳥開我眉寄語仙
潭客此興須共之

田家雜詠

雨餘煙水闊野田鷺亦稀投市披雲出入里望煙歸草
長路漸失宛轉溼裳衣及門接婦子相見情依依命酌
西窗下適意生光輝

雨阻西帆別業

風雷阻行役澹然生遠心西塞歸晚漁南山流空音去
住任所適無意成幽尋古來貞固士期許何高深天懷
草木知散髮詠蒼林用晦以待霽揮杯還自吟

雨窗夜話

竹聲自檻外雨氣疑深秋眾山看不見兩谿涓涓流吾
輩何世民澹然無殷憂洗耳誠多事扣角飯齊牛相國
委榛墟高名徒爾留不如歸白社亦復懷丹丘靜觀池
上草閒居江上樓動息罔不佳日夕天與遊長策應同
鑒何勞持深謀

弁山漁樵

碧巖雲起風吹亂眾鳥爭棲至夜半漁者擊楫歌中流
收綸靜宿蒼葭畔牛衣覆首煖于春索居深阿不見人
樵者山立寄聲問何日遡流一訪桃源津

松聲不與濤聲隔水際山根只盈尺乃有樵者高自期

肯向時人其今昔流盼郊原莫問家所思遙在天一涯
且與漁翁分山水飛觴醉月莫負園中花

夜訪徐元歎

殘夜西林白雲深放月遲榜歌將歇處客夢正迴時溪
折千檣隱星飛一雁追奚奴知訪戴數起問晨曦

同位存玄曠西山遇雨

雨勢殘陽裏陰晴一嶺分行疇逢牧唱入寺輟僧耘井
汲知山味舟迴發水紋清歌招爽氣虹貫起層雲

涼夏山宿

山夜不知暑未秋蛩已繁桐音生寂寞野火肅心魂月
上千林曉煙橫半嶼昏好風時或至淅瀝滿芳園

過海印值可南師

夾道餘殘雪寒光散日華
磬從雲裏出旛倚竹邊斜
晴谷閒飛鳥深林靜落花
支公沿小澗洗鉢貯青霞

枕上寓言

丈人峰下卽瞿塘急浪千重
若望洋聲出劒門驚草木
光連楚岫失衡湘無家弟妹
東西隔去國琴書歲月長
何事曠懷愁未釋隴雲邊樹
正茫茫

病後同位存過夾山訪西帆阻雪

扁舟泊處一林喧稚子傳呼
客到門握手乍驚人老瘦
傾心漸覺語溫存交于我輩
方稱淡情入時流遂易翻
中夜雪飛閒屐齒擁裘徒倚
望郊原

古柏

根自何年植齊梁
兵火餘萊公會鑒
此載入太平書

從軍行

秋高無夜不還家
兵火年年老磧沙
兩鬢漸將霜共白
閨人猶憶舊風華

登釣臺

一蓑煙雨富春隈
時見孤帆驚鷺來
惜被世人知隱處
想他遺恨誤登臺

子陵光武本同心
既有龍飛卽鯉沈
世上抑揚何日了
投竿從未得知音

同胡南搏總戎過奉口鎮訪陳煉師卻憶去春偕

呂半隱太常之昇玄觀初訪

秋帆南指詣仙壇
風曳雙旌欲住難
回憶橫山曾泊處
一溪煙柳夕陽灘

汪霖扶風

有所思

我亦何所思
乃在江之砥
金甌起繡幃
離離關山月
少婦愁未經
勞止分棲狹
衰柳嚙蟬吟
寒螢訴石宰
蘭紉不成馨
黛縞影自冽
游子形苦孤
驅車旣已裂
披錦滿天涯
孰與比吾纈
菱歌隔水聞
彷彿樓頭咽
西風一夜愁
劍氣空嶠岬
日歸日歸兮
中途載雨雪

夜坐

旅色夢中輕齋鐘嬾下聲支閒能處過得謗可銷名柳
逐春姿嫋蘭垂雪架橫霜飛途已慣半笠滿秋盈

過彭澤

淵明舊令彭澤中有小姑髻山對蓮花洲

巉巖斧劈峙中流碣斷無文笑水悠翠髻鬟鬆依鳳落
小廬紅襯隱霞浮蓮鉤半卸風隨簇柳綫殘搖露飲幽
索莫東籬香在否何如歸去撫松遊

渡洋子江

缺突沙澶綫羽浮溪橫木落下三秋巒虹虎攫吞飛瀑
荻雪龍蟠盪古丘浪浴天銜槎月嫋檣穿蝶戀舞花柔
遙窺鬼斧撐霆立倏忽淵旻已暮收

吳國章

麗東

冷月

銀浦流雲天似水
玉宮溼浸千峰紫
碎霜斜舞嬌石色
粼粼碧沙光重白
照徹寒潭凝素錦
飛入空閨泣蘭寢
長城子夜角咿咿
吹落關山衣鐵冷

巖整

章甫

秋村

獨擅涼秋樂
傾懷向爾言
蕭森耽野樹
澹蕩伫孤村
慣看塞鴻度
寧知庭葉翻
自從風景異
終日禁柴門

施星房

玄廣

同閔襄岸遊棲賢山莊

攜侶穿幽壑
登臨興不禁
日斜山翠轉
雨後樹青深
梨

棗家家熟竹梧處處陰
嘯歌汀渚外歸櫂暮煙沈

有懷施子

帶水相依十里程
秋風落葉故人情
旣言徐庶難投策
不道龐公亦入城
出岫無心雲自去
歸林有意鳥還鳴
僻居閉戶增愁思
令我時時憶仲清

李元烱

衡之

送子見偕南紀入都廷對

綠柳長安三眠起
五花團蹄踏春月
榆莢連錢襪錦鞍
輕佩細細凝肥蕨
吳中游子雙玉樹
驚墮姮娥廣寒闕
手拂松枝作談塵
江上青峰資嗟咄
承恩傳送金屈卮
年少風流跨解渤
駒汗血何子子
豹隱霧飛翥翥寄君

語思陶結送君南郊腸莫絕仰捫秋蟾豈辭劣指破天
河渡織女辭客留髡呼耳熱

自西巖沿溪聽泉而返

有客有客來問泉蒼苔踏破綠溪邊閒尋一山兩山畫
忘卻四十五十年濯足泠泠石上水振衣拂拂巖閒煙
勝遊不讓謝康樂還詢丹書一史編

寓壁有續水沈香睡小鴛鴦之詩戲和

水沈香睡小鴛鴦月滿沙頭花滿旁怪煞遊人爭喚起
任教故故向方塘

施模

人瞻

寄友

堪嗟世事逐浮萍，況復於今那獨醒。
難向人言空咄咄，忽思自問轉冥冥。
長途極目皆鴻雁，故國同心祇鵲鴒。
每有良朋惟永歎，誰將餘淚灑新亭。

陳子英

俊民

秋泛蘇灣

選勝前賢地，青山負郭斜。
秋生雙槩外，雨過片雲遮。
翡翠澄湖鳥，金鐙野岸花。
幾人能好事，石畔泛流霞。

楊啟明

曉人

贈潘菊旃先生陟園月室

閉戶窺千里，天光次第生。
峰容誰放入，林影自交橫。
歷亂知羣動，蕭疏見物情。
何須遊解外，一室隱蓬瀛。

吳景直

嶧山

蘭陰詩

莫尋多寶塔且上望江樓
林深香自細谷靜鳥相求
雙溪如繞帶三洞欲連鉤
岸松几上立渚雁鏡中遊
山人澹無語古樹涼風颭
振衣登絕巘誰挽夕陽留

何處春深好和白香山韻

何處春深好春深漁父家
網移池底月櫂入岸邊花
一片香投餌幾回浪轉車
桃源應咫尺花落水流斜

初夏見梁閒燕拈据成室有感而作

綠樹垂陰瑣閣涼舊時燕子入空梁
萬山初霽芳泥溼一水新添藻影長
卻繞畫屏清夢穩每依簾幕翠衣香

可憐王謝堂中物鎮日差池有底忙

潘廣福 受先

濟上謁報功祠因再游古南池卽事

新來載得滿船愁一見南池興自幽桃李依依疑上苑
亭臺曲曲彷彿南州百年先烈勲難泐幾處殘碑墨尙留
咫尺祠陰靈爽在衣冠還向月中游祠爲報先宮保河
功暨陳平江等五
先生而建

祝閨樓成紀事

漫說清涼架小樓南山煙景望中幽非因勝地開生面
祇爲高堂署臥游風細靜翻千樹碧月明遙浸一池秋
閒居不乏清狂興白露蒹葭憶子由家大人壽辰在五
月閨者獨少惟丙

申逢閏因葺小樓以志祝云

郊居秋興

淫霖初霽豁新愁野色山光晚更幽最是煙雲難寫處
小橋流水畫清秋

斜陽緩步小溪幽軋軋機聲織素秋欲寫郊居圖一幅
卻忘身在畫中游

何人卜築枕溪流一闋菱歌兩岸秋不是閒人閒不得
好舒白眼醉青州

顧元鑑

閩村

喜友至

美人棄我去相思阻江浙離情若江水欲訴愁難竭忽

聞抱琴來翻笑不成別

秋林聽雨

瀟瀟聲不斷疏雨灑空林未見侵花溼翻疑入竹深飛
光動簷隙清籟響琴心幽意誰能領高枝棲暮禽

琴坡

幽意藏山徑清絃石上聞不煩調玉指彷彿奏南薰靜
對聲沈壑行遊響觸雲春風車馬客回首憶桐君

同胡天行夜話

老大還飄泊知交喜過從浪稱天下士深悔不爲農遠
夢依殘燭勞生愧曉鐘何年愜幽意攜手問青松

峴首秋期雅集